

增修廣平縣志

貳

廣平縣志卷四

樂亭韓作舟湘亭編輯

六輿地志

輿地首列星野除武功靈壽而外幾乎無志無之大爲方志家所訾議以其荒邈難憑且無當於事物體兌之方志考稿論之極爲詳盡舊志收入尤多擇而錄之亦聊復爾爾之意也縣境地屬平衍且無河流津梁所謂關隘者亦不過較大村莊而已但民風拙悍物產不饒勸導開發有司之責固重孟子曰天時不如地利旨哉言矣記輿地

星野

周天三百六十五度四分之一分爲十二次每次三十二度三十三分之十四日至其初爲節至其中爲氣自胃一度至畢六度謂之大梁之次清明穀雨日居之

繪之分野

月令章句

昴畢間爲天街散爲冀州分爲趙國

春秋元命苞

趙地昴畢之分野東有廣平鉅鹿清河

漢書地理志

州郡躔次廣平入昴七度清河入昴九度趙郡入畢八度

晉書天文志

昴畢大梁之次畢酉初起胃四度中昴六度終畢九度其分野自魏郡濁漳之北

得漢之趙國廣平鉅鹿常山東及清河信都

舊唐書天文志

十二次度數自胃七度至畢十一度爲大梁於辰在酉趙之分野屬冀州

晉書天文志

北斗七星六曰團陽爲律主木其分爲趙

宋史天文志

黃道宿度昴十一畢十六

宋史律歷志

志

周天列宿度新制渾儀測用二線所測度數分秒與前代不同昴十一度三十分

畢十七度四十分

元史歷志

畢四度至畢六度大梁之次廣平順德二府皆昴分河南彰德府之磁州皆昴畢

分

明史天文志

廣平府天文昴分野大梁之次

大清一統志

晷度

北極出地三十六度三十四分冬至晷影一丈七尺三寸三分強夏至晷影二尺

三寸三分強冬夏至晝夜長五十八刻強短三十八刻弱偏西一度二十二分三十秒節氣早五分三十秒舊府志

山川

轆轤山 在縣城西南二里以形似得名現僅存土阜一區按轆轤沙明爲縣景之一

韓作舟詩 轆轤多依水何時化作山知有高士穴宜在山水間

鐵子山 在縣西北半里見一統志形如鐵鐵子雖經大雨其地不濕亦物理之難測者故名

紫荊山 在縣東二十里一統志作三十里山產紫荊西逼漳河舊岸雖被衝突而紫荊遺本

尙存以上畿輔志參舊府志紫荊毓秀爲縣景之一

韓作舟詩 留得盤根在不教波浪移豈獨田家樹可以伸長思

河流

漳河 按圖漳河自縣西南入境計分南北中三派中漳由成安境經縣屬勝營鎮北斜向東北流逕軍營村南至卜頭北東流過故元城縣入館陶折而西北至西河

莊東南復入縣境北流經大廟又北逕平固店東過韓固至東三塔入曲周南漳自舊魏縣西境蜿蜒而來至縣之東南溫入境東北流過油坊東南出境入大名逕元城復自杜村東南入境北流與中漳合北漳自成安東部逕縣之辛鎮入境東而折北經東西孟固至西河堡出境入肥鄉汜泛靡常災及全縣幸迭次南遷現均成爲桑田矣

附漳河考

按漳河在磁州南其上流本清濁二源清漳水山海經曰出於少山東流於濁漳之水郭璞注出少山大繩谷水經出上黨沾縣西北少山大隄谷今按清漳有東西二源東源出山西樂平縣大隄谷東南流逕和順縣石猴嶺東西源乃古轅水今出八賦嶺明統志所謂西漳也濁漳水漢書地理志出上黨長子縣鹿谷山水經出長子縣發鳩山鄴注漳水出鹿谷山與發鳩山連麓而在南今按濁漳源出山西長子縣西五十里四星池亦曰靈湫清濁二漳自山西會衆流至河南林縣北境交漳口合而爲一下流通稱爲漳河東流二里至吳家村入本府磁州西南

界逕羊城村土人名爲吳家河由此而東與河南安陽縣分河爲界又東逕冶子村漳村柿園岳城鎮又東逕屯頭武吉等村又東至講武城爲南北官道渡口又東逕白道村又東逕高祿村又東入河南臨漳縣逕務本村有漳河北決合滏之故道又有東北流逕廣平之故道焉又東入大名縣合衛舊府志

漳河故道 水經注漳水又東過武安縣又東出山過鄴縣西今臨漳縣又東過列人

縣南今肥鄉地

又東北過斥漳縣南今曲周地

又東北過曲周縣東

酈注漳水又東逕

梁期城南又東右逕斤邱縣北即裴故城南又東逕列人縣故城南又東北逕平恩縣故城西衡漳故瀆東北逕南曲縣故城西又逕曲周縣故城東又北逕巨橋祗閣西又北逕鉅鹿縣故城東元和郡縣志漳水在曲周縣西二十九里宗城縣東二十七里寰宇記同洛漳二水在雞澤縣東南二十五里寰宇記作二十六里合流東入平鄉縣界太平寔字記濁漳水從潞州陟縣界流入昭義縣西南四十里自林慮縣界流入滏陽縣自滏陽縣界流入成安縣自城安縣界流入肥鄉縣方輿記要漳水在成安縣南十里自臨漳縣東北流入又東入廣平縣北境又東北逕肥鄉縣又

東北入曲周縣界西南三十里又東北達平鄉縣境合洛河志云今曲周縣東十五里有漳河枯瀆漳水舊自肥鄉北口接縣西南趙林村至縣東北入威縣其後漳水自魏縣東出經流變徙遂爲枯瀆明萬歷元年漳水遂合滏河而北出不復經故道矣水道提綱漳水自臨漳縣西折而東北流入直隸成安縣西南界又東北經縣東南又東至廣平縣西南境分爲二派東流者經魏縣元城冠縣合衛河東北流者經廣平縣東南又東北經肥鄉縣東又東北經邱縣南又分爲二派一自邱縣城東北流入威縣南境又東北經清河縣城北又東北經故城縣一自邱縣西北流至直隸曲周界龍堂折而北流經廣宗鉅鹿入北泊

舊府志

明邑令陳鑿漳水議

按漳河之源有二一出山西潞州長子縣名濁漳一出平定州樂平縣名清漳東至林縣合流於彰德磁州之間至臨漳而成大河出廣平大名達於臨清冬春則涸夏秋則漲其涸也枵腹嗷嗷其漲也泛濫千里今年東明年西一淤成地一衝成河固地勢沃衍平坦使然亦由水勢波濤洶湧致之也漢唐以前其治易以黃

河故道逕大名出河間達於海則黃河深廣而漳水易洩所以消息而不爲害宋元以後其治難以黃河繞徐州出淮安入於海則黃河淤淺漳水難洩所以散漫而不可制其在今日尤甚宋元漳河南決大名出臨漳繞魏縣過府城之南出艾家溝入於黃河其流久其河深此其故道也邇則向南之河忽湧成淤北決自臨漳過魏縣從元城以達於館陶此新河之一派也又花佛堂南決一口泛濫而爲四流魏與元城均在在四流之中而廣平西南若柳材屯龐兒莊南溫油坊等村泛則爲板蕩淤在爲砂礫沉竈產蛙者不可悉數陵墓潭穴者不可悉記今之議者徒曰如何隄如何塞如何計工而賞罰此不過補苴罅隙奉漏甕沃焦釜之計也不知治漳與治河異黃河可資漕運引注徐呂二洪水性湍急宜防而不宜洩漳水可資灌溉泛濫三省五縣水勢平緩宜洩而不宜防司衡者果爲廟社生靈經久不易之策必也如皇輿考營田議得鄭國以開秦渠得趙過以爲搜粟都尉制如趙充國得上便宜平江伯久任責成相地勢畫經界立邱甸深溝洫時蓄洩播佳粒水一泛濫則散之於五縣溝渠而不爲城郭宮室之害水一乾涸取於萬

井蓄積而可收千倉萬箱之利則砂礫變爲沃土板蕩登於衽席其視今年隄明年決塞於南壑於北傾有限之帑藏填無窮之巨津驅必不得已之民圖必不可之功此兩策者相去遠矣釋此不爲而顧彼久行此余之所未解也

再巡撫李光地有勘

驗漳河疏見隄堰

又漳江煙雨爲縣景之一

宋王安石將次洛州憇漳上詩

漠漠春風裏茸茸綠水齊平原鴉散啄深樹馬迎嘶地入河流曲天隨日去低高城已在眼聊復解輕齋

清高宗乾隆帝渡漳河詩

中土週巡一月強浮橋回首望南陽往還節換秋冬候迎送疆分清濁漳拍岸沙痕依次退繡塍麥色較前長時平到處皆繁庶益切持盈祝歲穰

韓作舟詩 災害七百年數縣遭其圯南遷故景留輕煙江上雨

拳壯河 方輿紀要拳壯河故道在廣平縣東十里本漳河之支流自成安縣流入境

至肥鄉縣復入於漳縣志漳南徙後此河遂爲枯槽同按拳壯朝宗爲縣景之一

韓作舟詩 拳壯引漳河朝宗入於海片帆歸去遲但聽聲款乃

烏璃井 在縣東鹽池村世傳徐懋功飲馬之處其水甚深探以瓦礫則鏗然有聲同上

津梁

縣境本無津梁而所謂津梁者止圍城護池與城關浮橋也自當附於城池或建置之下舊志另立一目未免牽強况今一無所存乎依照登錄以預興修亦古人有舉不廢之意

時薰橋 縣南門曰時薰橋在南門外同治二年重修今廢

長春橋 縣東門曰長春橋在東門外同治二年重修遺址尙存

美利橋 縣西門曰美利橋在西門外同治二年重修今廢

芾棠橋 在城內德化街久廢以上均舊志土人相傳在東門外棠橋夕照爲縣景之一

韓作舟詩 古跡沒平沙日斜人影瘦遙聞叱犢聲歸去黃昏後

隄堰

護城隄 在縣南一里西至馬家莊東至董村舊志

漳隄 在縣南三里賀家莊舊志參現以漳河南徙已廢

古隄 在縣南新鎮村舊志

故隄 在縣西宋固村西北距城十五里北至孟固村南至成安縣界舊志按迤邐金

隄為縣景之一

韓作舟詩 玉粒足千家金隄曠晚霞他年沉竈處一望盡桑麻

新隄 繞縣治周九里四十步順治年間知縣顧如華築今存舊志顧隄煙柳為縣景

之一

韓作舟詩 兩漳害城郭一樹護田廬為問陶公柳至今有也無

按漳河自明宏治年間決入縣境連年汎濫為害民不聊生迄清康熙二十三年

南遷後故道淤為沃壤堤堰幾同虛設惟新隄護城仍當隨時修補（民國二十

八年築城均已補修齊整）巡撫李光地有勅驗漳患請免田賦一疏謹附於此

以志當時漳水為害之鉅

李光地勅察漳河疏 臣等察勸廣平縣係歷年積水所佔田地拋荒頗多臣等

親自看得該縣東西水淹之地長六十里廣七里俱生短雜蘆葦但該縣一帶土鬆河深從來漳河遷移不定開河則旋淤築隄則旋塌詢之鄉紳士民咸稱不可築且歷考漳河經由之處所淹不過一縣如以前曲周肥鄉成安等縣水淹地方今皆已涸出共成沃壤不過目前被水之縣耕種維艱該地方官民惟有仰懇聖恩於被水鄉村暫除一年錢糧容其將就食近縣之民招回墾種如明年河道遷流水勢稍涸則所淹田畝悉可耕種下年即行照舊起科如明年水勢未消則乞再蠲一年總以荒田墾種之年即爲起科之限而一邑數十鄉村之民可以稍蘇

矣

舊府志

七關隘志

設險守國今昔之道不同而在德不在險之說更非論於當今多事之世縣境既少關塞津梁又無山川形勝進攻退守兩失其憑惟有劃地分區守望相助庶可連莊自衛共策安全特就府志舊載之主要堡寨量爲增減表而出之以作籌設警防分團自衛之根據至警察自治如何分區編村閭鄰相

距里數應於另表詳誌之記關隘

寨堡

寨堡名稱	方向	距城里數	圖經考據	附注
東韓村堡	縣東	十八里	畿輔輿圖參通志	有燧臺
平固堡	縣東北	三十里	全上	全上
周固寨	縣東	二十四里	全上	舊志作周九寨
孟固寨	縣西	十里	全上	有燧臺現名孟固堡
潘兒寨	縣東	三十二里	畿輔輿圖	
新鎮	縣東北	三十里	全上	府志作新寨
常兒寨	全上	三十五里	全上	舊志作三十里
打虎寨	全上	四十里	全上	舊志作三十五里
王九郎寨	全上	全上	全上	
孟思寨	全上	四十五里	府志	現無此名府志未知何誤
紀家寨	縣西	三里	全上	

注

警 區

侯固寨	縣北	三里	全上	
馮家營	縣西南	九里	全上	
雙廟集	全上	二十七里	全上	
東張孟	縣東北	四十五里	新增	
楊宋固	縣西南	十二里	全上	
勝營鎮	全上	三十里	全上	大邯路線

區別	駐在地	距城里數	組	織	警	額	備	考
第一區總所	城內	在城	所長一人系長二人警員一人警長二人書記一人		警士十五名		系長以所員充任另有詳表	
分所	南韓村	十八里	分所長一人警員一人所員二人警長二人		警士十名			
分駐所	南寺郎固	十二里	警員一人所員一人警長一人		警士八名			
派出所	軍營	十二里	警長一人		警士五名			
第二區分所	勝營鎮	三十里	分所長一人警員二人所員二人警長二人		警士十名		分所長鄭振清	
分駐所	楊宋固	十二里	警員一人所員一人警長一人		警士八名			

卷四

七

派出所	東孟固	十里	警長一人	警士五名
第三區分所	平固店	三十里	分所長一人 警官一人 警士二人	警士十名 分所長王修禮
分駐所	東張孟	四十五里	警官一人 所員一人 警長一人	警士八名
派出所	蔣莊	三十五里	警長一人	警士五名

以上組織係遵治安部二十八年八月明令參以本縣情形規定之惟第三區甫經成立即被匪人阻攔第二區現在城內辦公至各區警隊按該區經費添設以三十人至六十人為限分駐所派出所各按必要時得添設或撤消

警局

清光緒三十二年奉令裁撤綠營創辦巡警城內設總局置巡官推選總董以專責成旋改為教練所添教練員宣統三年改為警務長公所巡官改稱警務長至民國元年又改為警察事務所警務長改稱警佐五年改為警察所警佐改稱所長七年改為公安局所長改稱局長以下設督察巡官并分二股辦事各區設分局旋又改為警務局旋又廢局歸科未幾又復為局二十八年八月奉令又改為警察所茲將歷任局長所長列表如下

姓名	行號	籍貫	備	考	姓名	行號	籍貫	備	考
張金貴	品三	成安			馮樹漆				
史承恩	又光	大名			田現龍	瑞生	肥鄉		
姜象九					陰自新	靜修	廣平		代理
劉文洲	步瀛	鹽山			谷子瑞		奉天		民國十二年間任 剿匪陣亡另傳
劉 劼					焦青源	芳圃	廣平		
馮開祥	瑞生	廣平			金文紀		北京		
呂寶和					白殿華		大名		
高揚華					謝麟昌	谷豐	湖南		
張雁川		奉天			薛鳳光		天津		
楊肇基	秩平	故城	民國二十五年任(邯鄲縣知事)		郭天德				
劉夢符		阜城			徐維周		廣平		二十七年五月任
張村石	殿臣	邢台	二十八年一月任						

以上各員任事年月多不可考且有改任縣署警務科長者應俟補查

城區保衛

區別及名稱	團址	組	織	距城里數	團丁數目	備	考
縣保衛團	城內	正團長一人副團長一人 事務員一人書記一人	在城	三十名	現改為縣警備隊		
第一區自衛團	西關	主任一人副主任若干人 共分十隊	一里	三百八十五人			
第二區自衛團	勝營	主任一人副主任若干人	三十里	四百人			
第三區自衛團	宋周	主任一人副主任若干人	十二里	三百五十人			

附自衛團暫行辦法

第一條 聯莊自衛定名為自衛團

第二條 自衛團以防剿匪患緝捕盜賊為主旨

第三條 自衛團按村莊散布情形由一村組成者名為某村自衛團由若干村組

成者即以主任居住之村莊名之(如某村自衛團)或以人口較多之村莊名之

第四條 自衛團設主任一人由該團區境以內之公正人士中公推一人充任之

必要時得公推一人或數人爲副主任

第五條 自衛團主任得設立辦事處以便處理公務其辦公費（如燈油紙張巡更茶水等）每月至多不得過十元由全團各村公攤但主任每月須將收支情形公佈一次如主任辦公情願自備不欲公攤者聽之

第六條 自衛團團員以該會區域內之居民壯丁編練均爲無給職

第七條 自衛團團員之訓練以不悞其本來職業爲原則

第八條 自衛團之武器概用該團區域內人民自有之槍枝子彈但遇公用消耗子彈時由全團公共攤價購買補充

第九條 自衛團擔任該團區域以內巡更緝盜必要時盤查旅客並協助該縣團警剿辦土匪

第十條 自衛組成後須呈報各本縣縣公署轉呈省公署備案

第十一條 自衛團須施行聯防互通聲息以期防護周密

第十二條 各縣原有聯莊會自衛社自衛團等須於可能範圍內照本辦法組織辦

理如有未盡事宜及一切公約等未經指示者仍按其素來之習慣成規
辦理但須將其現狀呈核備案

鄉鎮(附集期)

第 一										區別				
東關前	東關後	南關	西關南	西關北	北關	東街	西街	南街	北張固	鄉鎮名稱	方向	距城里數	備	考
城東	全	城南	城西	全	城北	在城	全	全	東	萊董村	南	四里		
附郭	全	全	全	全	全	全	全	全	三里	劉董村	東南	四里		
城內三八五 日集期										魏董村	南	四里		
										盧董村	南	四里		
										單莊	南	四里		
										南賀莊	南	五里		
										賈莊	東南	五里		
										前堤上	東	八里		
										後堤上	東	八里		
										北小留	東南	八里		

第			區										
南高曲	北高曲	馬虎莊	第一區共四十一村										
全	全	西南											
二十里	十八里	十五里	侯固寨	田莊	紀家寨	棠村	焦莊	北何莊	新城	袁劉莊	袁莊	小張固	南張固
			東北	東南	西北	北	東南	西南	西北	西南	西南	東	東南
			三里	三里	三里	一里	一里	三里	一里	三里	三里	五里	四里
東南温	南温店	辛莊營		杜村	大留	北寺郎固	南寺郎固	軍營	南小留	油村	呂莊	舖上	閻小寨
全	全	西南		東南	東南	東	東南	南	東南	東南	西南	東	東
三十五里	三十五里	三十里		十四里	十四里	十二里	十二里	十里	十里	十里	十里	十里	十里
							一六日集期	二六九日集期					

二

區

第

第二區共二十三村

李高曲	全	二十里		西南温	全	三十五里	
雙廟	全	二十五里		勝營鎮	全	三十里	一四六九日集期
北温	全	二十五里		王營	全	三十二里	
王莊	全	二十五里		崔營	全	三十二里	
蔡莊	全	二十五里		胡營	全	三十五里	
柳林	全	三十里		北羅營	全	三十六里	
劉莊	全	三十里		龐莊	全	三十五里	
新莊	全	三十里		趙寨	全	三十五里	
油坊	全	三十里					
平固店	東北	三十里	四九日集期	南吳村	全	二十五里	
西王封	全	三十里		北吳村	全	二十五里	
苗幸寨	全	三十里		丁村	全	二十八里	
西里村	全	三十里		大廟	全	二十五里	
王莊	全	三十里		崔莊	全	二十五里	

第三區共二十一村		區		三	
常寨	全	三十五里	東王封	全	三十五里
			北下堡	全	三十五里
			南王封	全	三十里
			張打虎寨	全	三十里
			東丁莊	全	三十里
			西丁莊	全	三十里
			周莊	全	三十里
			韓周	全	三十五里
			南下堡	全	三十五里
			李白營	全	三十五里

第四區		第			
申立	西南	六里	馮營	西南	十里
蘇莊	全	七里	新莊	全	十里
大馬莊	全	八里	南莊	全	十里
邵村	全	八里	上坡	西	十里
新鎮	全	十里	東孟固	西	十里
楊村	全	十里	西孟固	西	十二里
甲士	西南	十二里	西河堡	西	十二里
西韓村	西	十三里	蘭村	西	十三里

二五七十日集期

區

第四區共二十四村

平莊	西南	十三里		小馬莊	西南	十五里
楊宋固	西南	十五里	期一四七日集	史宋固	全	十五里
馬宋固	全	十五里		朱宋固	全	十五里
劉宋固	全	十五里		陰莊	全	十八里

第

五

區

第五區共十八村

南鹽池	東	十八里		北鹽池	東	十八里
南韓村	東	二十里	二七日集期	北韓村	東	二十里
孫莊	東南	十五里		金安村	東南	十五里
箔頭	東南	十八里	四九日集期	南張村	東	二十五里
北張村	東北	二十五里		李莊	東北	二十五里
袁莊	全	二十五里		禪堂莊	東	二十里
唐兒莊	東北	二十里		周固寨	東北	二十五里
小未莊	全	二十五里		大未莊	全	三十里
商鐘	東	三十里		潘寨	東	三十里

第 六 區		第 六 區 共 十 七 村	
東張孟	東北	四十里	
煙屯	全	四十里	
西張孟	全	四十里	
郭莊	全	四十里	
南張孟	全	四十里	
牛莊	全	四十里	
蘇莊	全	四十里	
劉屯	全	四十里	
王九郎寨	全	四十里	
靳莊	東北	三十八里	
蔣莊	全	三十八里	一三六八日集期
張屯	全	四十里	
司莊	全	四十里	
張洞	全	四十五里	
留女固	全	四十五里	
南寺頭	全	四十五里	
大屯	全	四十五里	

全縣共分六自治區統計一百四十四村九十三編鄉六百一十二閱三千零五十六隣

廣平縣志卷五

八物產志

物產以有關食用及藉以生利者爲主非徒用以誇博物也每見志書記載此門不問一縣有無其物而連篇累牘有名必書殊失徵信之常毫無實際之補本志除本縣特產及宜產現產有益於生活經濟及物理知識者一概從省並將各種農作物之植獲時期培養畝數常年產量現在價格及銀錢兌換行情附表統計藉驗民生以謀對策工商狀況以次及之記物產

穀屬

麥 金也金旺而生火旺而死秋種厚蕪故謂之麥說文北方地燥多多雪春少雨麥晝

花薄皮麪食之陳者更佳羣芳譜蘇頌曰小麥具四時中和之氣故爲五穀之貴本草

綱目按麥莖有節葉平行秋暮播種謂之秋麥春初播種謂之春麥爲本縣特產

粦來 粦麥也說文大麥也韻廣一曰春麥玉篇莖與小麥相似但莖微粗葉微大色深青而

外如白粉芒長殼與粒相黏未易脫羣芳譜仁可作飯生芽作餚畿輔通志且造酒

蕎麥

為圓錐花序莖弱而翹然易長易收磨麪如麥故曰蕎麥北人作煎餅及餅餌

日用以供常食農人以爲禦冬之具

羣芳譜

王禎農書謂蕎麥稠種結實多稀種結

實少農政全書云種之易為工力收之不妨農時晚熟故也

稻

有杭有糯北方以為佳品北方地平惟澤土宜旱稻

羣芳譜

本縣無水田旱稻亦少

黍

秬黑黍秠一稔二米冀州其穀宜黍

周禮職方

以大暑而種故謂之黍

說文

有赤黍黑黍

黏者別名稷北人謂之黃米亦謂之黃糯

爾雅翼

白黍供釀麩黍供食四月種七月

穫

稷

李時珍曰稷與黍一類二種黏者為黍不黏者為稷稷可作飯黍可釀酒猶稻之

有粳與糯也其色有赤白黃黑數種北方地寒種之有補

本草綱目

粟

北方水土深厚窖地而藏可數十年不壞

周禮地官注

粟嘉穀實也

說文

李時珍曰穗大

而芒長粒粗者為梁穗小而芒短粒細者為粟有青黃白黑數色

本草綱目

北方直名

之曰穀今因之脫殼則謂之米亦曰小米北人日用之不可缺者

羣芳譜

蜀麥

一作秣

紅白二種俗呼曰高粱在北方地不宜麥禾者乃種之尤宜下地

農政全書

日早種得子多秋收白霜割高粱莖粗高丈餘莖可織箔編席夾籬供饗稍可作帚殼

浸水色紅可以紅酒有利於民者最溥羣芳譜實可造酒米可充食

玉蜀黍 又作玉米農政全書粒如芡實大而瑩白羣芳譜李時珍曰其苗俱似蜀黍而肥矮

亦似薏苡高三四尺六七月開花成穗苗心別出一苞上吐白鬚或粉紅色垂垂久則

苞折而子出本草綱目有高六七尺者有黏者惟黃色較次縣民多未改種

稗 禾別也說文有二種一黃白一紫黑紫黑者苞有毛北方人呼爲烏禾爾雅野生苗

葉似糝子子如黍用與糝子同羣芳譜按稗仁煮粥做飯蒸糕均佳

芝麻 中國有四稜六稜者外國得八稜黑麻種又名胡麻一名巨勝即黑芝麻也素問

經李時珍曰胡麻即芝麻也寇宗弼曰以其種來自大宛故名胡麻胡地所出者

皆肥大其紋鵲其色紫黑取油亦多本草綱目

菽 衆豆之總名物理論北方其地宜菽淮南子戎菽大豆也爾雅有黑白黃褐青斑數種

千金方黑豆中最細者曰穉豆亦曰料豆北方以飼馬農政全書亦可爲腐

小豆 一名赤豆一名紅豆夏至後種色赤黯而緊小者入藥羣芳譜

綠豆 一作莢 以色列名也圓小者佳大者名植豆功用頗同 羣芳譜 性涼色綠 本草 四月種秋

開小白花莢長二三寸可解諸物之毒 農書 做粉多用之

豌豆 百穀中最為先登磨為麩甚白賦 正字通 苗生柔軟宛宛然故有是名 羣芳譜 麩可

製粉但不及菘豆之佳合大麥可造酒糶

黃豆 有大小二種種植忌壬子曰可食可醬可豉可油可腐油滓可糞地葉名菘嫩

時可為茹 農書

豌豆 扁豆也 通雅 一名蛾眉豆一名沿籬豆人家多種之籬邊或以竹木架起狀如小

蛾莢生花下又有龍爪虎爪之類 羣芳譜 有紅白二種一名羊眼豆以莢似羊眼故

名 本草綱目

蠶豆 利比於豌豆之利十倍 農政全書 與豌豆同時種而形性迥別以莢似老蠶故名 羣芳譜

譜

蜂窠 即豇豆李時珍曰紅色居多莢必雙生故有蜂窠之名 本草綱目 一種蔓長丈餘一

種蔓短懸架則繁嫩時充蔬老則收子可穀可果取用甚多 羣芳譜 有青紫黑三種

畿輔通志 白者名狸豆一名黎豆又名虎豆

刀豆 又名挾劍豆人家多種之蔓引一二丈六七月開紫花結莢長者近尺微似皂

莢羣芳譜

落花生 昔無今有畿輔通志 一名長生果花落入土而成炒而食之富於養料子可取油

柏可糞田康熙初年僧應元往扶桑覓得其種有大中小三種現大者民間多種之

蕔莖 亦名蕔芥又名油菜爲本縣之特產先秋下種春時開小黃花瓣四如金結細

長莢夏至取子可搾油嫩葉充蔬味甚美

蔬屬

韭 正月園中見韭夏小正 菜一種而久者謂之韭說文 李時珍曰北人至冬移根於土窖

中培以馬糞暖則長高可尺許不見風日其葉黃嫩謂之韭黃本草綱目 其利數倍

菘 古爲葵晉以來爲菘秋末晚菘即白菜也通雅 燕趙所種者最肥大而厚一本有重

十餘斤者北方人多入窖內羣芳譜 極爲脆美其細者爲箭幹白又太倉白出廣府

畿輔通志

芥 葉似油菜有缺刻立秋下種一名臘菜其氣辛辣有介然之義又可過冬也羣芳譜

其子磨爲麪名芥末舊府志芥根醃以鹽爲鹹菜日食不可缺者

芹 楚葵也說文水菜也詩鄭注一名水英爾雅疏潔白而有節其氣芬芳坤雅按芹根白莖葉

皆綠色複葉互生埤雅謂爲潔白者說未盡

山藥 其子散綴葉旁大小不一名零餘子霜後收嗽味亦甘滑益人至冬掘根以白

扁者爲上尤宜養老畿輔通志零餘子俗名山藥豆

案本草名山芋圖經名薯蕷唐代宗諱預改爲薯藥宋英宗諱曙改爲山藥久服

延年益壽又一種菜山藥內外白色食之健脾

蔓菁 南北通有之北土種之尤多爾雅翼趙魏之交謂之火芥其小者謂之辛芥或謂

之幽芥其紫花者謂之蘆蕪方言陳藏器曰蕪菁北人名蔓菁本草綱目一名諸葛菜此

菜北方甚多羣芳譜

萵苣 有紫白二色食之固齒通鑑莖如筍俗呼萵苣畿輔通志

蘿蔔 一名萊蕪 一名紫花 蕊處處有之 北土尤多 狀有長圓二類 根有紅白二色 根

葉皆可生 可熟 可漬 可齏 可醬 可豉 可糖 可醋 可臘 可飯羣芳譜 早蘿蔔色紅形圓

而大幾輔通志

水蘿蔔 形圓而細 長根葉俱淡脆 無辛辣氣 亦有如臂長七八寸者羣芳譜 又一種

皮肉皆青色 或皮青肉紫 及皮肉皆紫者 惟內外青者多 辛辣形較水蘿蔔短而

粗也

胡蘿蔔 有赤黃二種 長五六寸大者盈握 元時來自虜中 故名羣芳譜 外細內黃者味

甘 八月下種 冬月收根 生熟可啖幾輔通志 又有一種紫黯色 味較辛 有長至尺餘者

葱 一名扎空中也 葉成管狀 諸物皆宜 故曰菜伯和事羣芳譜 本縣產蒜頭葱

蒜 葉如蘭 莖如葱 根如水仙 味辛 處處有之 而北土以為常食羣芳譜 李時珍曰 山蒜

石蒜 澤蒜 同一物 但分生不同本草綱目

蘆萎 一名香萎 一名胡萎幾輔通志 根輒而白 多鬚 綏綏然 故謂之萎 張騫得種於西域

故名胡萎 後因石勒改作香萎羣芳譜 俗呼香菜 葉裂有鋸齒

茄 落蘇也草本有紫青白三種北人以爲常食譜性寒滑多食腹痛下痢女人傷子

宮經 生

土芋 陳藏器曰蔓生葉如豆其根圓如卵綱目即馬鈴薯又一種長而紅者名紅薯

亦曰白薯紫皮白肉亦有黃肉者味甘質甚膩潤葉充蔬乾可飼牛羊

黃花菜 一名金針味甚美一名綠葱幾輔通志乾鮮均可食

莧 李時珍曰北人呼爲糖莧柔莖細葉生即結子味比家莧更勝韓保昇曰莧凡六

種曰赤莧白莧人莧紫莧五色莧馬莧綱目人莧俗呼人食莧馬莧即馬齒莧也

苜蓿 李時珍曰原出大宛張騫帶入中國綱目葉似豌豆紫花三晉爲盛齊魯次之

燕趙又次之廣譜六月種嫩苗雜麩蒸食菱葉以飼牛馬又一種花黃色宿根

苦菜 一名苦苣一名天香菜處處有之但在北方者至冬即凋芳譜詩誰謂荼苦即

苦菜也俗名曲曲菜陸離共辨原野多有之園圃無植者

菠菜 本名菠薐一名波斯草出西域頗陵國唐時傳入中國葉互生北人以爲常食

春月出莖嫩而且美春暮漸老沸湯晾過曬乾備用甚佳誠四時可用之菜也芳羣

譜 正二月種可備春蔬幾輔通志 按北直均在先秋下種至春初可應時登市

藕 荷芙蕖其根藕爾雅釋草 藕生應月閏月多一節博物志 藕有紅蓮白蓮之分白蓮藕短

粗而尤甘脆縣中因無河渠種者甚少

胡瓜 陳藏器曰北人避石勒諱改呼黃瓜至今因之本草綱目 按黃瓜原名王瓜禮月令

四月王瓜生即此則胡瓜當非原名可知

越瓜 一名菜瓜一名稍瓜北方名苦瓜惟味苦者始有此名非謂越瓜爲苦瓜也 色青質脆可生食苦者

可作菹較黃瓜頗粗色綠而黑縱有白紋界之羣芳譜 又一種淡黃色無界紋長二

三尺重數斤若種於棉地隴間獲利頗厚

倭瓜 一名北瓜似南瓜而形長幾輔通志 又一種形如倭瓜而小頂尖半綠半紅名看瓜

不可食

冬瓜 馬志曰此瓜經霜後皮上白如粉塗本草綱目 其形長巨其色深青至冬而熟故名

絲瓜 可熟食齊民要術 俗名天絡嫩時充蔬老則筋絡如織可滌器幾輔通志

瓠 匏也說文 俗名壺盧可食幾輔通志 蔓生莖長須架起結實圓正大小數種有大如盆盃

者有小如卵拳者有柄長數寸者有中作亞腰者羣芳譜有苦者味如膽不可食氏
貞白說長成老硬均可爲器又一種柄長二三尺者又別一種似稍瓜而大無紋肥
澤光潤去皮可熟食俗呼爲瓠子

青椒 俗名辣椒麥後栽種秋間結實甚繁長圓二種幼青而老紅食之去濕惟傷目

果屬

桃 五木之精仙木也術典桃多毛拭治令青滑如膽禮記銀桃味最佳絡絲桃紅白相

間金桃色紅畿輔通志本縣所產種類尙多有四月半五月鮮六月紅以至七八九月

應時而熟者各有專名但味淡少汁宜急改植佳種

杏 實味香於梅而酸不及核與肉自相離格物叢話北方肉杏甚佳赤大而扁謂之金剛

拳農書杏仁皆味苦有一種甘者名巴旦杏或謂之八達杏長安客話齊民要術曰梅花

早而白杏花晚而紅梅實小而酸核有壘文杏實大而甜無文采

李 北方一種御黃李形大而肉厚核小甘香而美農書李五種紫李綠李黃李麝香李

盤山李客燕雜記本境紫李居多

榴 張騫使西域還得安石榴博物志若榴石榴也丹實垂垂若贅瘤也博雅一名丹若古注

有酸甜二種又有開花不結實者曰千瓣粉紅千瓣白黃千瓣大紅中心花瓣如

起樓台謂之重莖石榴遵生八牋又有重瓣亦可結實者又有結實而四季常開花者

梨 北地處處有之二月開白花如雪上巳日無風則結梨必佳羣芳譜本縣所產者有

伏梨紅梨杜梨雪花梨紅白面梨鴨嘴梨各名稱

櫻桃 結子一枝數十顆圓如珊瑚極大如彈丸密葉圓有尖及細齒羣芳譜有赤白二

種白者難得畿輔通志

蘋婆 出北地燕趙者尤佳葉似林禽而大果如梨而圓滑羣芳譜

林禽 一名來禽一名文郎果此果味甜能來衆禽故名唐高宗時紀王李謹得五色

果似朱柰以貢帝大悅賜爵文林郎因呼為文林郎果羣芳譜俗名花紅縣民呼長

柄者曰甜子

沙果 即柰也繇而沙者曰沙果又楸子似沙果而小畿輔通志

檳子 一名虎喇檳似蘋婆而小色紅紫同上

柿 赤實果說文柿有七絕一壽二多陰三無鳥巢四無虫藁五霜葉可玩六佳實可啖

七落葉肥大可臨書爾雅

棗 棘實謂之棗小爾雅大者棗小者棘並束為棘重束為棗棗性重喬棘則低矣雅南

棗堅燥不如北方棗肥大書縣中產檀棗菱棗馬鈴棗及九月青等多種檀棗薰

之販於各埠體大有長英尺二寸以上圍大五寸以上者亦農家最好之副業

葡萄 別錄曰甘美可作酒本草綱目北方天寒初冬裹埋地下尺餘春分後取出臥置地

上數日然後架起子生去繁葉使清風露則結實肥萃芳譜花時忌水多水則花

落而子稀矣

西瓜 一名寒瓜結實如斗大而圓如匏色青子黃色黑色或黑麻色本草綱目性寒北方

秉壯者食之無虞延壽書本縣種者頗多五代史錄契丹破回紇始得其種以入中

國

甜瓜 最盛者無踰齊趙車擔列市肆道路濃香故後人云未至舌交先以鼻選清異錄

種類極多惟本縣無一佳種止圖體大不擇其美亦交通不便有以罔之耳

花屬

牡丹 一名鳳姑 一名木芍藥 性宜寒畏熱喜燥惡濕得新土則根旺向陽則性舒忌

烈風炎日若種治有法可開至七百葉面可徑尺

羣芳譜

芍藥 一名白朮 本草綱目 一名將離有二種草芍藥木芍藥木者花大而色深俗呼為牡

丹非也 古今注 唐宋文人謂芍藥為婪尾春

清異錄

榆葉梅 葉似榆花開如紅梅故名

畿輔通志

海棠 有四種皆木本貼梗海棠叢生花如臙脂垂絲海棠樹生柔枝長蒂花色淺紅

又有枝梗略堅花色稍紅者名西府海棠有生子如木瓜可食者名木瓜海棠

羣芳譜

秋海棠 一名八月春草本花色粉紅甚嬌艷莖綠色有二種葉下紅筋者為常品綠

筋者有雅趣

羣芳譜

迎春 李時珍曰處處人家栽插之叢生高者二三尺方莖厚葉 本草綱目 狀如丁香而色

黃先春開花故曰迎春

畿輔通志

丁香 有紫白二色紫似棟花白似探春三月放花葩萼相附如綬之垂氣甚香烈花譜

紫薇 一名怕癢花一名猴刺脫一名百日紅四五月始花接續可至八九月花六瓣

色微紅紫縐紫色之外有紅白二色其紫萼藍焰者名翠薇翠芳譜

月季 一名月月紅一名長春花灌生處處有之青莖長蔓葉小於薔薇莖葉俱有刺

花有紅白及淡紅者三色逐月一開四時不絕翠芳譜

荷 其花茵苔其實蓮其根藕爾雅注北方人便以藕為荷亦以蓮為荷

葵 本豐而耐旱味平而無毒可備蔬茹可防荒儉可療疾病種類甚多翠芳譜有冬葵

戎葵兔葵向日葵黃葵錦葵蜀葵諸種畿輔通志

秋葵 一名側金盆高六七尺葉如芙蓉六月放花大如碗鵝黃色六瓣而側雅淡堪

觀朝開午收翠芳譜一種紅色

菊 本作鞠從鞠窮也花事至此而窮也雅宿根在土逐年生芽莖有稜嫩時柔老則

硬有黃白紅紫粉紅間色淺深大小之殊翠芳譜統其名有三百餘種

江西臘 似菊而小先菊而開花有各色碧藍一種菊所未有苑西集

玉簪 處處有之宿根二月生苗成叢七月抽莖莖上有細葉十餘每葉出花一朶未

開時正如白玉搔頭簪譜翠芳有黃白紫三種花紫者有毒幾輔通志黃者希奇少見

長春 俗呼金盞以花形也長春言耐久也譜翠芳花黃如金盞夏秋開花幾輔通志

罌粟花 俗名蒿苳蓮一名米囊花一名御米花一名米殼花有紅白紫三色史花一名

阿芙蓉以其花色似芙蓉而得此名本草綱目花落結實包有毒汁

石竹花 草品纖細而青翠有單瓣千葉又有剪絨嬌艷奪目譜翠芳一名石菊幾輔通志

水仙 叢生根似蒜頭外有薄赤皮冬生葉如萱草色綠而濃厚中抽一莖莖頭開花

數朶大如簪頭譜翠芳

鳳仙花 草莖有紅白二色花有紅紫白及雜色譜翠芳一名指甲花花採爛能染指甲

故名幾輔通志

夾竹桃 花五瓣長筒瓣微尖淡紅嬌艷如桃花葉狹長類竹故名自春組秋逐旋繼

開嫵媚堪賞情喜肥宜以肥土栽之更用肥水澆之則愈茂幾輔通志

紫荊 一名滿樹紅叢生春間開紫花甚細碎數朶一簇花謝即結莢子甚扁譜翠芳

木槿 椴木槿 櫨木槿 別二名也 爾雅注 花朝生夕隕或呼日及 毛詩疏 一名朱槿 一名赤

槿 羣芳譜

剪春羅 一名剪紅羅 蔓生二月生苗高尺餘入夏開花深紅色花六出周回如剪成

茸茸可愛又有剪紅紗花高三尺葉旋覆夏秋開花狀如石竹而稍大 羣芳譜

剪秋羅 一名漢宮秋色深紅花瓣數岐八月間開 同上

雁來紅 純紅者名老少年紅紫黃綠相間者名錦西風至深秋脚深紫而頂葉嬌紅

羣芳譜

雞冠 昂立如雄鷄之冠故名 花譜 有縷絡鷄冠帚帚鷄冠扇面鷄冠有一朶而黃紫各

半者名鴛鴦鷄冠一種最矮名壽星鷄冠 羣芳譜 有紅黃白數種 幾輔通志

金雀梅 叢生莖黃褐色高數尺有柔刺一簇數葉花生葉旁色黃形尖開兩瓣如飛

雀甚可愛 羣芳譜

薔薇 一名刺紅一名牛棘一名山棗條青而長新發時須用架又一種名刺梅色紫

而香更烈 花史

茉莉 一名抹麗 一名草茉莉 謂草本也 一名粉豆花 謂其子如黑豆而中有粉也 又

名十樣錦 花史 蒸取其液可代薔薇露 羣芳譜

玫瑰 一名徘徊花 灌生叢條有刺如薔薇 花開於四月 羣芳譜 有二種 其一種色黃稍

小於紫玫瑰 人鑿 今土人謂之五子梅 白色者香氣尤烈 可浸酒和糖兼制香水

藤蘿 一名紫藤 四月生紫花 其子作角 畿輔通志

十姊妹 藤身叢生莖青多刺 又一種七姊妹 體態相類 種法亦同 羣芳譜

蓼 其類甚多 皆春苗夏盛 秋始花 花開蓓蕾而細長 二寸 枝枝下垂 色粉紅 可觀 水

邊甚多 羣芳譜 北地高幾丈 俗呼水紅花 畿輔通志 其子磨面去其黑皮 爲餌 可醫小兒

食積

木屬

松 百木之長 猶公故字 從公 說文 其葉有兩鬣 五鬣七鬣 格物總纂 三鍼者爲括子 松七鍼

者爲果松 羣芳譜

柏 榭也 爾雅 鬯曰以榭榭柏也 禮記 柏性堅緻 有脂而香 雅 松柏爲百木長 史記 有一種

葉扁而側生者名側柏保定府志

槐 守宮槐爾雅槐生季春更旬始規淮南子槐者虛星之精也十月上已取子服之延年

通神太清草木方縣民食其莢者頗多但不知服其子也子曰槐實入藥瀉風熱涼大

腸

榆 白粉也格物論榆即樞也榆有十種葉皆相似皮及木理異耳未生葉時枝條間先

生榆莢似錢而小俗呼榆錢可作羹爾雅疏

楊 白楊葉圓青楊葉長移楊圓葉弱帶微風大搖古今注枝硬而揚起謂之楊枝弱而

垂流謂之柳本草高者十餘丈大者三四尺堪棟梁之任北方材木多用楊槐榆柳

是以人多種之羣芳譜

柳 柔脆易生縱橫顛倒植之皆生埤雅旄澤柳生澤者楊蒲柳可為箭左傳所謂董澤

之蒲爾雅注

桑 北方有白桑甚長數分食之甘美劉氏異苑北方桑甚可比江東黃柑焦氏類林

椿 禹貢作杔左傳作櫛說文作種皆一物也保定府志有二種菜椿香椿香者較勝芽可

充蔬幾輔通志

檜 柏葉松身爾雅圓柏即刺柏所謂檜也通雅檜亦謂之栝本草綱目

楮 一曰楮桑陸機詩疏楮一名穀雄者皮斑葉無楹又開花成穗不結實雌者開花結實

皮白葉有楹本草楮取其皮浸之造紙

梧桐 檉梧桐木爾雅紫花者名紫桐花如百合白花者名白桐類穀花而不實一種

油桐實可壓油一種刺桐花側專如掌一種賴桐身青葉圓大而長高三四尺即

有花一種人家所植名梧桐皮白葉青子可噉陳蕭桐譜

杜 即杜梨詩稱甘棠其木可接梨幾輔通志

荊 木心圓荊心方爾雅七月間山家伐輓條編器盛糧曰荊圍幾輔通志

杞柳 生水旁樹如柳葉羸而白木理微赤毛詩形似樗一名狗骨淵鑑類函

皂莢 一曰雞棲子廣志李時珍曰一名烏犀一名懸刀樹高大葉如槐瘦長而尖枝間

多刺夏開細黃花結實有三種一種小如豬牙一種長而肥厚多脂而黏一種長

瘦薄枯燥不黏以多脂者為佳本草綱目

竹 冬生草也說文植物之中有名曰竹不剛不柔非草非木小異空實大同節目竹雖

冬舊性忌殊寒竹譜莖有節節有枝枝有葉葉必三之枝必兩之根下之枝一為雄

二為雌雌者生筍本草綱目竹之品有甜竹苦竹綠竹幾輔通志名稱甚多本縣有竹止供

玩賞

草屬

艾 有家野二種幾輔通志二月生苗成叢莖白色直上高四五尺五月五日連莖取刈曝

乾收葉以灸百病草譜並取絨可製印泥摘幼苗曝乾碾為末雜黍麩作粒味亦

香美

藍 歲馬藍大葉冬藍也今為澱者是也爾雅疏有大小二種刈其莖葉掘地為坎漬以

灰水成靛以供染幾輔通志詳後貨屬靛條

麻 蘇頌曰北人種以績布及打繩索本草綱目葉大如蓋花黃雌雄異株結子如橡實刈作小

束池內漚之去青皮取麻片潔白如雪可織為毡及作梗索為農家所需雄者為

泉雌者為苴有漚麻火麻又名綫麻幾輔通志子可取油莖名麻穉可以然火

菸草 本名淡巴菰葉肥大至徑尺通志春種夏花秋日取葉切細如絲草頂嫩葉名

曰蓋霜食物本草

萱 忘憂草也說文花曰宜男姪婦佩之必生男風土記苞生莖無附枝繁萼攢連葉四垂

花初發如黃鵠嘴開則六出有黃白紅紫麝香重葉草瓣數種羣芳譜

蕉 一名甘蕉一名仙蕉畿輔通志最長大首尾稍尖鞠不落花蕉不落葉其莖輭皮相裹

外微青三年即著花自心中抽出一莖初生大萼似倒垂齒蒼有數層層皆作瓣

羣芳譜

書帶草 叢生似韭而細性柔緜色翠綠鮮妍羣芳譜境內有植盆中者

馬蘭 生道旁似蘭而大色藍無香開紫白花畿輔通志

蘆葦 同一物北人以水旁下溼生者為葦其細不及指人家園池間所植者為蘆其

幹差大深碧色者為碧蘆丹鉛錄一名葭其花蓬蘂其筍羅生下溼處長丈許空中

皮薄可織席又一種名荻一名萑似蘆而小又一種名兼更細於萑而中實保定府志

蒲 有石菖蒲有水菖蒲根如竹節葉似劍鋒菖蒲花食之延年蘇頌曰蒲黃處處有

之至夏抽梗於叢中花抱梗端本草綱目今水中生有為葦蒲可為扇可為包又可為

席根初生白脆可食又一種圓蒲無葉俗名水葱保定府志

茅 一名青茅香茅可包藉縮酒又有黃茅可為繩又有芭茅叢生大如蒲本草綱目

萍 一名水花水簾一名藻季春始生楊花入水所化無根而浮常與水平夕生九子

故名九子萍有大小二種小者為萍大者為蘋格物原

荇 一名接余一名鳧葵又名水鏡草俗呼荇絲菜楚辭謂之屏風本草綱目

藻 蒼牛藻江東呼為馬藻爾雅注水草之有文者出於水下其字從澡言白潔如澡也

花史

莠 穗如狗尾翠芳譜馬籩不過稂莠莠草似稷而無實國語注

藥屬

蓮鬚 一名佛座鬚花開時采取陰乾味甘瀟溫無毒李時珍曰蓮須本草不收而其

功用與蓮子同又蓮房一名蓮蓬殼味苦瀟溫無毒本草綱目

枸杞 蘇頌曰春生苗葉如石榴葉而軟薄其莖高三五尺六七月生小紅紫花結紅

實形微長如棗核其根之皮名地骨皮上同實曰枸杞子平補而潤地骨皮瀉熱涼血並補正氣

桑白皮 桑根白皮出土上者殺人別錄氣味甘寒無毒本草綱目能瀉肺火

萊菔子 即蘿蔔子味辛甘平無毒李時珍曰長於利氣生能升熟能降上同

夏枯草 一名銖色草朱震亨曰此草夏至後即枯蓋稟純陽之氣得陰氣則枯故有

是名味辛苦寒無毒

益母草 一名益明草莖方黃麻葉如艾寸許一節節間開花根白色味甘微辛氣溫

和血行氣有助陰之功

杏仁 兩仁者有毒氣味甘苦其用有三潤肺也消食積也散滯氣也

金銀花 一名忍冬又名金銀藤

蒲公英 即今之地丁也生平澤田園中莖葉似苦苣斷之有汁堪生噉花如草菊而

大四五月采之平甘消熱毒

瞿麥 一名蘧麥一名石竹一名南天竺草蘇頌曰今處處有之苗高一尺以來葉尖

小色青根紫黑色形如細蔓青花紅紫赤色七月結實作穗子頗似麥廣雅謂之
苳萎也

車前

米苳馬烏即車前

爾雅注

一名地衣一名車輪菜

羣芳譜

此草好生道邊及牛馬跡

中故有車前當道馬烏牛遺之名

陸機詩疏

子甘寒利小便而不走氣與茯苓同功

好王

古湯攷

蒺藜

雅莢也葉羽狀郭璞云布地蔓生細葉子有三角刺人

爾雅注

寇宗弼曰有二種

一種杜蒺藜即今之道旁布地而生者開小黃花結芒刺一種白蒺藜內子大如

黍粒補腎良藥今風家多用刺蒺藜

本草綱目

菟絲子

一名菟縷又名菟蘂

名醫別錄

唐也蒙也女蘿也菟絲也一物而四名

爾雅注疏

蘇頌

曰今近道亦有之夏生苗初如細絲遍地不能自起得他草梗則纏繞而生其根

漸絕於地而寄空中李時珍曰結實如枇豆而細色黃生於梗上尤佳

本草綱目

牽牛

此藥始出田野人牽牛謝藥故以名焉近人隱其名爲黑丑白丑以丑屬牛也

蘇頌曰處處有之二月種子三月生苗作藤蔓繞籬牆高者二三丈其葉青有三

尖角七月生花微紅帶碧色或藍色似鼓子花而大八月結實外有白皮裹作毬
每毬內有子六枚大如蕎麥有三稜黑白二種九月收之

本草綱目

辛熱大瀉氣分温

毒

栝樓 一曰瓜囊其根即天花粉也詩果臝之實是也蘇頌曰所在有之三四月生苗

引藤蔓葉如甜瓜葉而窄又有細毛七月開花似壺盧結實在花下大如拳生青
至九月熟赤黃色其形有正圓者有銳而長者功用皆同

本草綱目

瀉火潤肺能清上

焦之熱根微苦寒可治虛熱症

薄荷

蘇頌曰人家種之亦堪生食一種蔓生者功用相似

本草綱目

二月宿根生苗方莖

赤色葉對生

羣芳譜

花脣形辛涼能散風熱

米殼

即罌粟皮也氣味酸澆微寒無毒李時珍曰得醋烏梅橘皮良收斂固氣能入

腎

同上

郁李仁 即唐棣夏日結實爲核果果內之仁辛苦而甘潤燥瀉逆氣

桃仁 苦平微甘充破血潤燥之用

貨屬

棉 一名吉貝春月以子種葉似牡丹而小花黃如秋葵而葉單不貴高長枝最喜繁

茂結實三稜青皮尖頂纒纒如桃北人呼爲花桃熟則裂而絨現如鷲毳用以績

纒絮衣亦甚輕暖子如珠可以打油油之滓可以糞地稽甚堅堪燒葉堪飼牛其

爲利益甚溥廣羣芳譜宜沙土高地其花黃色之外有紅白二色本縣產量亦豐

布 貝州土貢布太平寰宇記布布也布列衆縷如經以緯橫成之也釋名有粗布細布紫花

布一物異名本縣所產者曰土布販於山西榆次太谷等地亦甚著稱

靛 大小藍兩種水漬其秧加石灰搥成爲靛本縣以前種者尙能獲利自舶來靛水

流入藍種將絕也

酒 百藥之長漢書食貨志本縣所造惟白乾及黃酒二種

油 有數種芝麻所出者曰香油調味用之棉子所出者曰燈油燃燈用之落花生所

出者曰白油以大豆所出者曰豆油炸食做菜用之本縣所產菜子含有油質甚

多用以榨油用途最廣每年銷路亦大又棉花子油若加以製煉亦可供食

禽屬

雞 知時畜也雞稽也能考時也至衡星散為雞春秋運有五德故曰德禽韓非子

鴨 舒鳧也說文鴨鳴呶呶自呼其名鳧能飛而鴨舒緩不飛故曰舒鳧禽經趾連蹠能浮

水

鵝 一名舒雁事原鴨鵝也長脰善鳴說文鵝鳴則蟻沉養之園林則蛇遠徙去夜鳴應更

鼓又聞聲即號可以守夜行有班列故聘禮用之禽經

燕 即元鳥月令二月元鳥至色黑故稱烏衣客唐人謂烏衣至自華胥國有二種紅

襟聲大者越燕斑襟聲小者北燕春社來秋社去為巢避戊己鳥說越燕多巢堂室

中胡燕多在檐下作巢雅埤

鴿 性喜合凡鳥雄乘雌惟鴿雌乘雄逐月有子又名鴿鴿雅埤按鴿以嘴交

鵲 陽鳥先物而動先事而應能制蝟鳴木上蝟伏不能動季冬始巢門背太歲向太

乙知來歲風多巢必卑下易緯一名喜鵲一名乾鵲本草綱目

烏 孝鳥也說文小而純黑小嘴反哺者慈烏也似慈烏而大嘴腹下白不反哺者雅烏

也似雅鳥而大白頂者燕鳥也似雅鳥而小赤嘴穴居者山鳥也本草綱目鳥亦名雅

其名自呼毛詩名物解雅之啞啞鵠之啞啞淮南子白頸者名寒鴉畿輔通志烏鴉即大嘴鴉

經禽

鶉

田鼠化為鶉淮南子月令蝦蟇得瓜化為鶉萬華術雄者足高雌者足卑本草鶉與鶉

兩物也形狀相似但黑色無斑者謂之鶉今土人總稱之為鶉畿輔通志邑人有養

以鬥賭飲食者

鳩

拙者莫如鳩不能為巢經禽鳩能聚陽氣詩箋今布穀即鳴鳩播種鳴斑鳩祝鳩食不

噎哽故老人杖刻之鶉為爽鳩鳩名甚多因其聲之似而呼之如俗呼阿公阿婆

割麥插禾脫卻布褲之類經說

黎雞

勤鳥也說文黎明即鳴其音隱約如長工打水四字喚人早汲也猶鷄之報曉故

稱雞色青黑故稱黎雞格物總論

雀

依人小鳥也一名家賓古今注瓦雀在堂檐間也老而斑曰麻雀通雅小而黃者曰黃

雀草本

啄木 鴉也鴉志在木經口如長椎常啄木食虫注此鳥有大有小有褐色有斑褐

者是雌斑者是雄志異禽大如鵲青黑色頭上有紅毛者為山啄木本草綱目

鶯 黃鶯也或謂之黃栗留自關而東謂之倉庚幽州人謂之黃鶯當其熟時來鳴桑

間應節趨時之鳥虫魚草木 鳥獸疏

桑鵲 一名蠟嘴其嘴黃白如蠟亦喜鳴幾補通志性善馴

鴟 李時珍曰似鷹而稍小其尾如舵極善高翔專捉鷄雀草木俗名惡老鴟

鴟 陳藏器曰即梟鳥也一名鷹惡聲鳥也李時珍曰如雞有斑文目如貓好食桑椹

俗呼為貓頭鷹

蝙蝠 伏翼也一名仙鼠一名夜燕日伏夜飛好食蚊蚋處處有之本草綱目按蝙蝠為胎

生動物宜歸獸屬篇中

獸屬

馬 怒也武也其字象頭尾足之形牡馬曰騶牝馬曰駉一歲曰孳二歲曰駒四歲曰

騊說文馬應月故十二月而生其年以齒別之稟火而生火不能生木故有肝無膽

本草綱目 冀北之土馬牧之所蕃庶故天苑之象存焉唐書天

牛 件也牛為大牲件事理也象角頭三封尾之形說文李時珍曰牛耳聾其聽以鼻其

眼豎而不橫其齒有下無上其聲曰牟本草綱目北方其地多牛羊淮南子皆反芻家

畜

羊 祥也從𠂔象頭角足尾之形孔子曰牛羊之字以形舉也說文一名長髯主簿古今

羊性善羣故於文羊為羣名物解

犬 生三豶二師一獾爾雅家獸也田犬善獵家犬善守爾雅犬狗之有縣蹄者也狗叩

也叩氣犬以守孔子曰視犬之字如畫狗說文長喙曰獫短喙曰獮高四尺曰葵本草

綱目今通謂之狗

騾 馬也廣韻同羸正韻騾父馬母說文李時珍曰騾大於驢而健於馬其力在腰其後有鎖

骨故不孳乳其類有五本草綱目

驢 似馬耳長說文李時珍曰驢臚也臚腹前也馬力在膊驢力在臚夜鳴應更惟善馱

負本草綱目

豕 彘也竭其尾故謂之豕象毛足而後有尾讀與豨同說文豬豨之總名玉篇牡曰豶牝

曰豶去勢曰豶豕子曰豚曰彘生燕冀者皮厚本草綱目一名長喙參軍古注今通謂

之豬按字象頭足尾形首筆即如古今注所稱

貓 一名家豹鼠害田而貓捕之故字從苗雅有黃白黑駁數色以尾長腰短目如金

銀者為良或云其睛可定時本草綱目

狐 孤也狐性疑疑則不能合類故其字從孤雅形似小黃狗鼻尖尾大北方最多有

黃黑白三種白色者猶稀尾有白錢文者佳本草綱目

兔 曰明眊禮記兔舐雄毫而孕五月生子王充論衡兔子曰媿說文兔以瞭為鼈鼈以旱為兔

王延相雅述皮以為筆材唐書有家兔野兔二種家兔亦曰家鼠

鼠 六虫之黠者其類最多好自播弄其鬚性疑出穴多不果故持兩端者謂之首鼠

說文季春田鼠化為鴛禮月令八月鴛化為鼠正其壽最長故俗稱為老鼠本草綱目有

灰白二色

鼯鼠 一名黃鼠狼一名地猴此物健於捕鼠及禽畜又能制蛇虺同上一名夜猴能嗅

鼠穴知其有無有則入嚙其鼻而出菽園雜記

蝟 俗呼刺鼠穴地而居處處有之幾輔通志蝟皮治胃逆開胃氣有功此物人犯之便藏

頭足毛刺人不可得本名彙本草綱目彙毛刺爾雅

水屬

鯉 鱗有十字文理故名鯉其脇鱗一道從頭至尾無大小皆三十六鱗每鱗有黑

點諸魚惟此最佳本草綱目

鯪魚 本名鯪好羣行相與也故曰鯪相連也故曰鯪魚之美者曰鯪同上

鯽 一名鮒魚形似小鯉色黑同上鯽魚族行以相即也故謂之鯽以相附也故謂之鮒

雅埠

鱻 似蛇無鱗體有涎沫夏月於淺水作窟爾雅注有青黃二色生水岸泥窟中一名黃

鮓又一種白鱻魚本草綱目

鱮 俗名泥鱮性貪健好動故名銳首肉身青黑色無鱗滑疾難捉與他魚相牝牡本草

綱目亦有青黃色者

鰕 魚屬字從魚蝦慕之蝦從虫 格物論 蝗化為蝦 藝文類聚 稻花變成多在田泥中者名苗

鰕 爾雅翼

蛙 俗名田雞一名青雞一名蟆 蛙色青腹細善躍大其聲則曰蛙小其聲則曰蛤

本草綱目 蝦蟆子一名蚪 古今注 蛙青色長股大腹短脚漢武帝元鼎五年秋蛙與蝦

蟆俱鬪可見是二物 乘 按蛙青色以外尚有黑質白章者

按以上魚屬自漳河徙後縣中不多見惟各池沼內尚有一種小鯉淡紅及肉白淺灰各色不可食記之以存其名

蟲 屬

蠶 吐絲虫也 說文 有大小白斑色之異屬陽喜燥惡溼食而不飲三眠三起二十七日

而老自卵出而為炒自炒脫而為蠶蠶而繭繭而蛹蛹而蛾蛾而卵卵而炒亦有

胎生者與母同老蓋益虫也 本草綱目

蜂 即蠶飛虫螫人者 說文 土蜂木蜂果蠃蒲盧即細腰蜂 爾雅注 蜂垂尾故謂之蜂有禮

範故一名蜚有三種一種在林木或土穴中作房為野蜂一種人家以器收養者

爲家蜂並小而微黃一種在山巖高峻處作房即石蜜也本草綱目土人稱小者爲蜜

蜂長而細腰者爲馬蜂大而短粗黑色者爲儂瓢蜂即廣雅之胡蜂方言之壺蜂

名醫別錄之黃蜂也按蜜蜂有利於人與蠶相等養之之法各有專書茲不贅述

蝶說文一名野蛾一名鳳蛾有大如蝙蝠者古今注俗名蝴蝶蛾類也大曰蝶小

曰蛾其種甚繁皆四翅有粉好嗅花香以鬚代鼻本草綱目一名春駒一名鳳子格物論

蟬數種蝟蟬蝻寒蜚並蟬也格物論蟬者蜩螗所轉久而化成其殼脫格物志飲而不

食三十日而蛻蜉蝣不食不飲三日而化淮南子鳴則天涼故謂之寒蟬蔡邕月令

蜘蛛爾雅作罍蠶其類極多土蠶蠶草蠶蠶蟄長螭懸網如魚罾者亦名蜘蛛本草

綱目趙魏之間或謂之蛛蚪方言又一種扁薄作幕貼壁間北人呼爲壁繭又蠶蛸亦

名長脚此虫來著人衣則有喜小化書故呼長脚者爲嬉子爾雅注

蜻蜓別名醫錄負勞也爾雅大而色青者曰蜻蜓小而色黃者名胡黎小而赤者

名赤卒古今注此物生於水中故多飛水上其類眼皆大本草綱目

螳螂一名石螂其子名螻蛸螳螂深秋乳子至夏初乃生爾雅注仲夏之月螳螂生禮月

令世謂之天馬淮南子一名斬父說文

蟋蟀

說文作蛩

即促織一名蛩當授衣之先鳴以促織負錄似蝗而小正黑有光澤如漆

有翅及角善躍好鬥立秋後則夜鳴

虫魚鳥獸草木疏

絡緯

一名莎雞六月莎鷄振羽又名促寒娘格物論

虫綠色木也秋為金金木相軋以為聲以兩股擊翼而鳴集海其聲聒聒故名之曰聒聒兒帝京景物略今俗呼為軸子亦曰曲曲

螢 一名夜光 一名熠燿 一名景天 一名熒

格物論

腐草為之食紋蚋焉古今注

腐草得暑溼之氣故化為螢

禮月令注

蝦蟇

在草曰蜥蜴在壁曰蝦蟇 一曰蟻蟇說文 一名守宮俗謂之蝎虎格物論

蝎虎

格物論

蛇

毒虫也古作它俗作虵篆文象其宛轉屈曲之形有青黃赤白黑斑諸色本草綱目

癩毒虫也或從蠶

蠶

說文

蠶有毒長尾謂之蝎左傳注

北方火蝎極小而其毒更酷癩毒虫也或從蠶

蜈蚣

一名百足虫中斷其頭尾各異行而去博物志

廣雅曰螂蛆蜈蚣性能制蛇毛詩各物

蜈蚣

一名百足虫中斷其頭尾各異行而去博物志

蜈蚣

一名百足虫中斷其頭尾各異行而去博物志

雜誌

蜈蚣

一名百足虫中斷其頭尾各異行而去博物志

蜈蚣

蜈蚣

蜈蚣

蜈蚣

蜈蚣

蜈蚣

蜈蚣

蜈蚣

蜈蚣

蜈蚣

蜈蚣

蜈蚣

蜈蚣

解 又軸癭狀如蜈蚣而長大者如釵股 本草綱目

蚯蚓

一名土龍一名蜿蟺一名曲蟺

古今注

爾雅謂之蠶蟻蚘之行也引而後申其壤

如邱故名 本草綱目 無爪牙之利筋脈之強上食埃土下飲黃泉用心一也

大藏禮

農家

益虫

蟾

生糞土中食草木根口剛身軟白在糞土名蟾螬在木中名蟾螬

爾雅注

爲農家害

虫

蝸牛

一名土牛兒此即負殼癭軸也有角如牛故名爾雅謂之蝸贏莊子所謂戰於

蝸角是矣

本草綱目

蠹

一名土鼈

名醫別錄

今人呼爲篋箕虫亦形似也

本草綱目

蠼

蚺蚺也其子曰蚺

說文

蚺子時術之蛾音蟻蚺蚺也

禮記注

蟻知時雨

博物志

蟻封戶穴

大雨將集

易林

蠅

青蠅善亂色蒼蠅善亂聲或曰大麻蠅茅根所化也蠅好搖翅又好交其前足有

絞繩之象故蠅字從繩

雅堦

蚊 本作蠱齧人飛虫也字或從昏以昏時出也說文性惡煙以艾葉薰之則潰堉又一

種齧人無聲者俗呼白翎

蝻 蝗也說文李時珍曰此有數種蝻蝻總名也其瘦長善躍者呼為蚱蜢本草綱目其類乳

於土中深埋其卵至夏始出蔡置月令有害田禾

鰓白魚 爾雅衣書中虫一名鰓魚爾雅注即蠹魚也又名衣魚一名壁魚形稍似魚其尾

又分二岐故得魚名本草綱目

斑蝥 一名斑貓大豆葉上甲虫也大如巴豆甲上有黃黑斑點其毒如矛刺也故名

斑蝥本草綱目入藥

廣平縣農業物產一覽表

民國二十八年七月調查

種類	名稱	種植時間	收穫時期	全縣畝數	平均每畝產額	價值	備考
穀	小麥	秋分	夏至後	一千頃	三斗	每斗二元七角	大麥春分下種
	穀子	谷雨	去暑	二千頃	四斗	每斗一元五角	
玉	米	全	全	全	三斗	每斗二元七角	
	籼	立夏	八月	一千頃	四斗	一元七角	早者谷雨下種

菜			屬 貨					屬						
韭 菜	蘿 蔔	白 菜	青 麻	芝 蔴	落 花 生	油 菜 子	棉 花	紅 薯	高 粱	蕎 麥	糜 子	黍 子	小 豆	大 豆
宿 根	初 伏	初 二 伏	全	全	谷 雨	立 夏 後	清 明	分 栽 正 月 養 苗 立 夏	清 明	初 伏	全	全	全	全
每 月 一 收	立 冬	立 冬	六 七 月	八 九 月	九 月 間	次 年 四 月 間	去 暑	九 月	白 露	九 月	全	七 月	全	全
五 頃	十 頃	五 頃	五 頃	十 頃	五 頃	六 百 頃	二 百 頃	五 十 頃	十 頃	五 十 頃	二 百 頃	一 百 頃	五 百 頃	五 百 頃
八 百 斤	千 斤	八 百 斤	二 百 斤	三 斗	一 百 五 十 斤	二 斗	六 十 斤	八 百 斤	四 斗	二 斗	全	四 斗	四 斗	三 斗
百 斤 五 元	百 斤 一 元 五 角	百 斤 三 元	每 斤 六 毛 四 分	每 斗 八 元	每 百 斤 十 二 元	每 斗 三 元 二 角	每 百 斤 五 十 元	每 百 斤 二 元	一 元 五 角	三 元	全	一 元 六 角	二 元 二 角	二 元
	水 蘿 蔔 清 明 下 種	早 菜 二 月 下 種							本 縣 多 黑 子					有 早 晚 二 種

果				屬										
杏	桃	棗	梨	辣椒	王瓜	茄子	倭瓜	冬瓜	胡蘿蔔	芹菜	芥菜	朱豆	葱	
久根先年種核	久根清明接樹	久根清明分栽	久根清明接樹	立夏分栽	清明	三月種苗五月分栽	全	三月	去暑	谷雨	二伏	三月	八九月下種次年四五月份栽	
收二月花四五	收三月花六七	收四月花七八	收三月開花八月	八月	五月	七月	八月	八月	霜降	七月	立冬	五月	七月	
一頃	二頃	五頃	一頃	二頃	三十畝	五十畝	五頃	一頃	三頃	十畝	五頃	五頃	十頃	
六百斤	五百斤	一千斤	八百斤	二百斤	二千條	五百斤	一千斤	二千斤	八百斤	五百斤	五百斤	百斤	五百斤	
每斤二分	每斤五分	每斤五分	每斤一角	百斤八元	百斤二元	百斤三元	百斤一元	百斤二元	百斤一元五角	百斤四元	百斤二元	每百斤二元五角	百斤四元	

其他	屬		
	甜瓜	西瓜	葡萄
酒每斤三角五六香油每斤一元一二牛肉每斤二角五分猪肉每斤五角白麪每斤一角六分七布每尺一角五分洋油每桶十五元面煤一元四十斤以上各種物價至本年十一月變增三分之一人民生活危險萬狀欲謀救濟不可不早為之方也	谷雨	清明	久根清明插秧
	七月	七月	五月花八月收
	十頃	五頃	一頃
	六百斤	二千斤	二千斤
	百斤五元	百斤五元	每斤一角五分

工商狀況

商業

縣境雖小集市頗多（城內^{五十八}日軍營^{九日}南寺郎固^{六日}日勝營鎮^{六日}九日平

固店^{四日}日東孟固^{二十五日}日楊宋固^{七日}南韓村^{七日}日箔頭^{九日}日蔣莊^{六日}三日）交

易情形甚為活躍且東通濟南西達邯鄲南界開封北隣順德懋遷有無各得其

所至城內之糧店花行總無雄厚資本而每年營業大可子母相衡其衰落如今

日者一因遭受紅槍會之擾亂二為南北事變之發生遂致停閉逃亡一蹶不起

迭經督同商會設法招徠終以金錢問題懷疑觀望似非治安就緒則本縣商業

恐難恢復原狀也點金無術良用慊然

工業 縣民安於舊習故步自封對於各種工藝毫無發展興趣雖因交通閉塞要以教導之未得其人耳以前家庭工業產有土布一種每年行銷山西太谷榆次及隣封各縣爲數尙夥自洋布充斥以來現在有等於無其他即爲木工璇器如木盪木盒木棒木球滑車煙嘴等等品類不一貲本無多獲利不少

鐵工廠 城西關原有鐵工廠一處工徒數十人出品亦頗適用因受時局影響前已自由解散其他普通工藝與各縣同

監獄工場 民國十二年八月經管獄員郝君樹榮請由任前知事在監所創立工場

一處既可感化罪人又得供給物品令聞廣播榮譽所歸奈以紅槍會破城劫牢

該場因之停廢時人惜之

郝君德政碑現存舊監門首

任傳藻記略云 郝君樹榮典廣平獄十餘稔矣壬戌夏五余來牧是邑巡視獄舍整潔囚徒馴良羣習織帶手藝凡諸法治井井有條洵異政也欣然獎之翌年郝君以籌辦監獄工場爲請余極贊許乃召集士紳籌款而士紳又皆深然之商

會會長楊君瑞麟教育局局長王君壽昌現任工場會計秦君作肅慨然任集款之責計先後籌得股本一千七百餘元按股份公司組織工場於八月成立計分織工木工兩部由保定聘請工師製織機教織布未三月而工徒作業純熟饒有新監之風垣外聞之機聲軋軋幾不知其爲監獄也嗣又函由議參會撥借大洋五百元作爲補助預備金郝君用心之苦與夫各士紳贊助之力俱不可沒宜刻石記之

附銀圓兌換銅元逐年價目表

民國年度	一圓換銅枚數	民國年度	一圓換銅枚數	民國年度	一圓換銅枚數	民國年度	一圓換銅枚數
十年	一百四十枚	十七年	四百枚	廿四年	四百六十枚	三十一年	
十一年	一百七十枚	十八年	四百四十枚	廿五年	四百八十枚	三十二年	
十二年	一百九十枚	十九年	四百三十五枚	廿六年	五百二十枚	三十三年	
十三年	二百二十五枚	二十年	四百四十枚	廿七年	四百四十枚	三十四年	
十四年	二百七十五枚	廿一年	四百七十枚	廿八年	四百枚	三十五年	

十五年	三百六十五枚	廿二年	四百五十枚	廿九年	三十六年
十六年	三百八十五枚	廿三年	四百五十枚	三十年	三十七年

事變前廣平城內商業數目調查表

行別處	所	行別處	所	行別處	所
質當行	無	雜貨行	八	藥行	五
燒鍋行	前無現有二家均在 外鎮	洋廣行	五	菜行	十二
糧行	二十一	銅行	二	肉行	五
銀錢行	民十以前十餘家十 五年後止一家	鐵行	三	雜藝行	五
棉花行	六	木行	四	飯莊	七
布行	十	皮行	四	劇場	無
酒行	五	油行	三	其他	三

共二十一行業計一百零九家現復業者不過三十家均屬小本營生

廣平縣志卷六

九風俗志

風俗影響政治然善政尤足以改良風俗縣本燕趙故地人尙慷慨悲歌士義農勤風淳俗美惟錮步甘於自封先入實難糾正雖屬交通之多阻要以教育之未盡普及也錄之以待輶車書之以戒有衆記風俗

士農工商

燕趙古稱多感慨悲歌之士

唐韓昌黎集

人尙節儉地蓄物產

方輿勝覽

廣平人性質直尙儉約勤稼穡

明一統志

土厚俗純士重然諾先王之遺風猶有存者

廣平府學記

廣平風俗雄勁矜氣節敦禮讓務本業多牧畜

康熙志

丈夫相聚悲歌慷慨而頑鈍鄙吝好訟長姦者間亦有之

廣平府志

冠婚喪祭

冠禮久廢明嘉靖間知府蔣以忠刊家禮四要行之士丈夫之家偶俱牲醴酬祖

考鮮有舉三加之儀者

舊府志

凡男子自十六至二十皆可冠將冠筮日筮賓戒賓至期主人肅賓行三加禮各有祝詞祝畢進冠者而字之冠禮久廢然婚禮之中實寓古冠禮之意具衣冠習禮儀童子當此儼然有成人風

同上

婚初男請媒二人具衣冠謁女家投遞婚啟曰登門亦曰換庚帖次婚家互招飲宴男先女後曰會親男家以彩幣牲果送女家曰聘定筵席俞日女家具巾服靴帽衣料文玩脯果等往送男家曰回禮瀕娶復行納采禮如前女家不復酬婚前一日婿具醴果往女家曰通道路是日女家行過妝禮亦有先期舉行者曰鋪牀詰辰盛張鼓樂親迎以長者導之謂之領親男家遣婦女具吉服往催妝曰娶女客女家遣送曰送女客新婦入門以姻戚婦女一人具婦飾冠簪加新婦笄曰上頭女家兄弟親戚送至男家謂之送親次日婿以酒果行謝親禮三日婦謁祠堂拜舅姑上女工女家具衣飾鼓樂導送男家曰追三邀女眷往婿家曰餽飯迎女

及婿歸宿婦家曰回面亦曰回門九日亦如之娶後四時餽花幣脯果男家交送
曰追節婚必擇吉惟祀竈日至除夕不忌曰亂歲貧家有因喪事而約女來娶者
曰孝扶有乳臭畜之於男家者曰童養

舊府志

喪者先用布帛送姻家報訖成服後開弔散孝三日內姻戚餽食於喪側曰倒頭
飯民間始喪未歛子婦並婦女薄暮沿街擗踊號哭在城至城隍廟在村至土地
廟曰押紙士紳家無之城內婦女不押紙於外晚間聚哭於死者之旁立告布於
門書死者職銜字諱生卒歲月柩前立銘旌門外懸紙旛靈前設布幔置靈座男
女在靈右髮髻苦跣日三奠七日百日奠有加將葬書期於門親友具賻奠送銘
旌柩出楮幡鼓吹前導經親友門迎奠曰邀祭親友送至城外或至墳墓請有爵
者祀土題木主葬畢奉木主鼓樂導歸至家虞祭姻家餽孝子孝婦以布帛曰收
頭次日孝子詣弔客大門親拜三日男女孝婦省墓謂之圓墳焚紙錢盡哀而返
葬不甚重風水無久停不葬者士大夫家不用僧道作佛事

舊府志

祭禮士大夫家多奉先世神主於寢間有立家廟者或畫祖考像於軸懸之除夕

元旦令節家家設供致祭歲時行墓祭禮寒食添土墓巔挂楮錢五月荐新麥謂之簡湯七月十五日獻麻谷十月一日製紙衣送墓間曰送寒衣亡者生辰忌日亦墓祭遇婚娶登科告祭於墓曰祭祖遇親友喪事送饃首麩果或用麩三五斤蒸如緯帽形者曰大飯加饌食雞魚肉等物曰全祭

舊府志

時令（舊歷）

元旦 是日長幼夙興天地祖先焚香設供燃爆竹照倫序拜尊長畢食餃餌親友

交相賀歲數日乃罷

舊府志

立春 是日民間喫春餅蘿蔔曰齧春小兒鑽土牛云能稀痘以芒神鞋占晴雨

同上

人日 凡正月之前十日各有所宜如一雞二狗三豕四羊五馬六牛七人八穀九果

十菜其占晴爲祥陰爲灾俗煎餅食於庭中謂之薰天

遼史參舊志

按北齊書魏收傳晉葛勛答問禮俗作五日爲牛六日爲馬

上元 正月十五日曰上元家家盛張燈綵街衢搭牌樓懸燈作春聯飄搖空際十三

日謂之試燈十七日謂之殘燈上元夕祀祖先祀神以麩爲小燈遍置門竈廚牖

間曰散燈又以江米作丸食之曰元宵門首挂燈燃爆竹放花礮爲樂間有龍獅

各燈遊船太平車高蹻各雜技遊戲城鄉間十六日男婦走觀曰走百病

舊府志

二月二 俗呼爲龍擡頭土人以水和麪如粥置油於釜熟食之名曰煎餅薰蝎兒童

郊外放紙鳶二十五日早晨庭中用灰作圈中置五穀少許或置銅錢數枚沿村

爆竹相聞名曰打囤

舊府志

亦謂之填倉

三月三 男女多上廟朝神是日種瓜果壺盧則收穫多

清明 家家具酒醴香楮紙錢赴壠祭墓名曰上墳又插柳枝於門以順節氣

端陽 五月五日門插艾兒童帶五色彩索塗雄黃於髮際耳鼻帶香囊於項下親友

餽角黍飲雄黃菖蒲酒嫁女之家餽加竹枕涼席等物

六月六 曝書畫衣服

本縣初一日爲半年節城關廟會極盛

人家食餛飩

巧日 七月七日兒女設瓜果於庭前穿針乞巧尙存天寶故事十五日農人挂紙錢

田畔謂之挂地頭錢上墳祭掃采麻穀供祖先蒸麪羊遣外孫曰送羊

取跪乳教孝之義

中秋 八月十五日親友餽月餅西瓜及諸果晚置酒庭中對月飲之曰賞月一日圓

月女婦歸寧是日必返其夫家曰團圓節

重陽 九月九日用棗蒸麪糕曰花糕親友相邀登高賞菊

十月一 十月朔日祭墳墓送寒衣

冬至 是日鄉塾行釋菜先師禮懸孔子像或設至聖先師主師生以次肅拜奠畢弟子拜先生窗友交拜謂之拜冬

臘八 十二月八日雜米豆棗果煮粥名曰臘八粥

祀竈 二十三日以糖劑餅黍糕棗栗胡桃炒豆祀竈君以槽草秣竈君馬謂竈君翌日朝天白家間一歲事各致祝詞

除夕 易門神換桃符貼春聯陳祀儀燃爆竹焚香徹夜闔家飲宴歡樂曰守歲

舊府志

古方言

慧趙魏之間謂之黠或謂之鬼

揚子方言一

按廣雅黠鬼慧也今土人呼人之靈黠曰鬼郭璞方言注曰今名黠爲鬼賦詩爲

鬼爲蛾亦此義

嫵好也凡物好而輕者趙魏之間曰姝或曰姝同上

按廣雅嫵姝好也羸羸容也嫵與羸同字又通作盈古詩盈盈樓上女謂嫵好也郭璞云姝言姝容也姝與丰同毛詩傳曰丰豐滿也廣韻丰茸美也今土人譏女之淫美者曰姝即古方言之遺廣雅姝好也女之美者曰姝詩邶風靜女其姝是也士之美者亦曰姝詩邶風彼姝之子是也

狻欲也趙曰狻楊子方言六

按以我所欲強人之從則曰狻今人語猶然說文狻嗾犬厲之也獎勸之意即從此出

凌哀也趙魏之間曰凌楊子方言一

按凌憐一聲之轉今土人呼人之可哀者皆曰可憐

趙魏之間慙謂之𦉳楊子方言六

按𦉳梅聲廣雅梅𦉳慙也

扞摸去也趙魏之總語也扞摸猶言持去也

同上

按廣雅扞莫去也摸與莫通今北人謂手捫物者皆曰摸扞或作祛祛今民間失物亦曰摸去與持去之義相通

鐏琢也趙謂之鈇鈇

同上

案鈇亦作鈇鈇音鐏漢書藝文志鈇鈇析亂顏師古曰鈇破也今土人破木猶曰鈇蓋與劈同義也

趙魏之間火熟曰爛氣熟曰糝久熟曰餗穀熟曰酷熟其通語也

楊子方
言一

案廣雅爛餗酷餗熟也士虞禮餗饔在東壁鄭注曰炊黍稷曰餗餗糝同字糝與酷亦通玉篇糝禾大熟也今土人凡肉熟者曰爛久而稠者曰餗周官酒正二曰簋酒注曰簋酒今之餗久白酒

燕趙之間言圍大謂之豐

方言
二

案豐通作甕廣雅甕大也說文豐豆之滿者圍大即豐滿之義

攔梗猛也魏曰攔趙曰梗

同上

案小爾雅曰捫忿也楚詞王逸注梗強也忿強皆與猛義近梗亦通作鯁

緜施也趙曰緜

方言六

案說文緜聯微也緜連不絕之義與施義近緜所以覆人故郭璞曰緜緜相覆及之名也緜緜聲轉而通

佻懸也趙魏之間曰佻燕趙之郊縣物於臺之上謂之佻

方言七

案郭璞注了佻縣物兒丁小反王念孫曰今俗語謂縣物爲弔聲相近也今土人謂舉於上爲佻懸於上爲弔

稅舍車也趙魏之間謂之稅

同上

案爾雅稅舍也郭璞方言注稅猶脫也舍宜音寫晉書潘岳傳曰發櫛寫鞍皆有所憇寫與卸音義同說文卸舍車解馬也今土人皆言卸

趙魏之東實寔同聲

詩韓奕鄭箋

案玉篇寔時弋切是也實時質切不空也兩字音義皆別詩小星寔命不同韓詩作實觀禮伯父實來鄭注曰今文作寔古讀同聲故通借之今北人猶讀如一音

北人以庶爲成以如爲儒以紫爲姊以治爲狎

顏氏家訓音辭篇

案庶成同母如儒同母紫姊同母治狎同母今土人讀此數字猶如顏所云

冀北凡水大小皆謂之河

漢書司馬相如傳注文類

案水經河水注春秋說題辭云河之謂言荷也今土人凡水通名曰河古則專指

黃河而言

北人多種蕎麥磨而爲麪作湯餅謂之河漏

王禎農書

案蕎麥土人呼爲稜子河漏呼爲河洛說鈴曰山東以蕎麥作麪食曰河洛向不辨其何字唐書明皇以鹿血煎酪賜安鹿山曰熱河洛字似本此河洛有床形如鋤草刀牀下有圓孔數枚麪由此漏入釜中即名河漏蕎麥麪者尤修美

畢羅今北人呼爲波波

潛確類書

按玉篇饅饅餅屬用麵爲之中有餽資暇集曰畢氏羅氏好食此因名酉陽雜俎有人夢入畢羅店及醒店子曰郎君與客食畢羅二斤何不計值而去即畢羅也波盪畢羅之合聲波磨疊韵字故或呼爲磨磨今順天人稱波波畿南人稱磨磨

爹北方人呼父

廣韻三十三霽

按南史梁始興王憺傳詔徵還朝人歌曰始興王人之爹赴人急如水火何時來
哺乳我爹之稱始此今土人呼父多稱爹者但俗轉爲平音耳

舌趙魏之間謂之杲

方言五

案釋名舌插也插地起土也錡即舌之別字廣雅彙舌也新序魏王將起中天臺
許綰負操錡入杲同操

榻前几趙魏之間謂之櫛几其高者謂之虞

同上

案廣雅虞旻几也旻與櫛同鹽鐵論牀侈之案侈即櫛字

劍削燕趙之間謂之室

方言九

案說文削鞞也玉篇削所以貯刀劍刃釋名刀其室曰削削峭也其形峭殺裏刀
體也字或作鞞小爾雅廣器刃之削謂之室室謂之鞞今土人謂之削或曰庫

鞞鞞鍊鑷也趙魏之間曰鍊鑷

同上

案鍊即鋸字說文鋸車軸鐵也釋名鋸間也間釘軸之間使不相摩也軸貫轂中

穀轉則與軸相摩而穀中有釘恐裂其軸故以鋤裹軸使不受釘摩也今北人通呼曰鋤轄鋤音近軛轄音轉也

維車趙魏之間謂之軛軛車

方言五

按說文維著絲於筭車也六書故云筭車紡車也著絲於筭著筭於車踏而轉之所謂紡車也玉篇維車亦名致車亦名軛車廣雅維車謂之歷鹿即軛軛也

黍北人呼爲黃米

羣芳譜穀類

案說文黍禾屬而黏者也以大暑而種故謂之黍齊民要術引汜勝之書云黍者暑也種必以暑黍麩同以黏與不黏分之蘇頌圖經黍之黏者爲稊北人謂之黃米亦曰黃糯本草綱目穀部稊北人呼爲黃糯亦曰黃米按此皆誤也天下人呼高粱爲稊呼其穉爲稊穉古今相同無稱黃米爲稊者程瑤田九穀考以黃米屬麩亦非也

粟北人謂之小米

本草綱目穀部

按說文禾嘉穀也稟嘉穀實也孔子曰稟之爲言續也米稟實也象禾實之形稟

米名也今土人稱稻米爲大米粟爲小米

楊柳北人都不言楊

本草拾遺

按說文楊木也柳小楊也藝文類聚初學記俱引說文作楊蒲柳也與爾雅同詩楊柳依依亦以楊柳爲一種今案楊有二種一種枝條上聳而短人通謂之柳一種枝條下垂而長人謂之垂楊柳

南方有柳無楊而竟疑北方以楊作柳豈知楊柳迥乎二物且楊有數種較柳爲多有白楊有青楊有鑽天楊有大葉楊青楊又名響楊葉最大總之柳葉長而窄楊葉大而圓柳幹皮黑楊幹皮白一見便知不得假借而相混也

蠶燕趙之間謂之蠨螋其小者謂之蠨螋或謂之蚘蛻其大而蜜者謂之壺蠶

方言十一

按說文蠶飛虫螫人者蠨螋取其聲廣雅螻蟻也蚘蛻土蜂蠨螋也螻蟻同字螻蠨螋皆語聲之轉郭璞曰蠨螋小細腰今按其狀腰細如針黑黃色俗通呼之爲小土蜂壺蜂即爾雅之木蠶郭璞注云今黑蠶穿竹木作空房亦有蜜者或呼爲笛師楚辭所謂元蜂若壺是也郝懿行曰今呼爲瓠蠶蜂

今方言

北人呼虹爲絳

沈濤銅鬘斗齋隨筆八

案沈濤云世皆知霓字有入聲而不知虹字有去聲元稹送客遊嶺南詩云水面皮疑縠山頭虹似巾自注云虹音近絳廣韻四虹古巷切今人皆呼虹爲絳

宋石幢稱大父耶耶北人猶有此稱

十駕齋養新錄

按永清信安鎮龍泉寺有金大定三年碑其文有王孝子耶耶之文錢大昕云當謂其大父也今土人稱祖父曰耶耶

蜀秫高至丈餘北人謂之高粱

張爾岐蒿菴問話

案高粱今亦謂之紅糧其稽仍呼爲秫稽俗曰隔檔子可供饗可編爲箔

今北方人謂禾莖曰秆草以飼馬牛

廣雅疏証釋草

按說文稈禾莖也春秋傳曰或投一秉桿或從干作秆今本左傳作秆杜預注曰秆稊也王念孫曰秆之言幹也禾之幹也今土人皆呼秆草

蓬北人今呼爲帚帚菜又呼爲刺蓬

程瑤田九穀考

案爾雅莽馬帚也莽蓬一聲之轉此草莖圓疏勁葉可食莖可作帚或呼爲刺蓬

蝟之名不一北人通謂之蝟蝟

幾輔通志

按蝟蝟疊韻廣雅曰螭結蟬也郭璞注方言云螭音技蓋螭結蝟聲之轉蝟蝟二字如呼其聲今按蟬有大中小三種大者名蟬中者名蝟蝟小者名螭結幾輔通志未盡其說

蟋蟀今北人謂之屈屈

同上

案爾雅蟋蟀蜚郭璞注曰今促織也疏義云今順天人謂之趨趨案屈屈趨趨即蜚之轉音亦即促織之合聲也

土語

稱父爲爹稱母爲孃稱祖父爲爺爺稱祖母爲奶奶老爺稱外祖也姥姥稱外祖母也呼兄曰哥哥呼弟曰兄弟呼姊曰姐姐呼妹曰妹妹女曰閨妮兒曰小子舅曰公公姑曰婆婆姑性惡謂之搗婦謂其母家曰後代家夫弟曰小叔子夫兄曰大伯子妻父曰丈人妻母曰丈母妻兄曰大舅妻妹曰小姨兩婿相稱曰調串亦

曰連襟先輩爲先生後輩爲相同人呼甫字皆加以老月曰月亮電曰冷子黎
明曰冷明亦曰撲明暮曰擦黑夜曰黑夜昨日曰夜隔突如其來曰猛不防亦曰
不徐顧無端而來曰憑空亦曰平白兩不相涉曰犯不著無礙曰不相干是人言
曰可不是手拂物曰摸拉以手析物曰撕開爽快曰廉利遲緩曰磨蹭人不潔曰
邈邈物不潔曰腌臢物好謂之廣修理曰整治口角曰吵逃走曰跑追謂之蹀罵
人曰捲曰挾褻語曰撒村吝嗇曰夾榆頭無賴人曰無二鬼飲水曰飲釀錢飲酒
曰打平火婦再醮曰搥身亦曰改嫁女繼室曰填房亦曰補後僱工曰作活亦曰
覓漢彼處曰那裏此處曰這裏說甚麼曰煞做煞猶云作何事也不怎着言不無
妨也這可怎著言無奈何也囧曰圈畚曰籬頭門上鈕鼻曰達料禽獸尾曰乙巴
蝗謂之螞蚱蜻蜓曰隨水蜓

探訪錄
舊府志

廟會

城關廟會日期西關火神廟正月二十五日東關大王廟二月二十三日八月二十
八日兩次西關瘟神廟五月五日老爺閣六月十五日南關河神廟七月十五日

後移大馬莊 東街城隍廟九月十三日關岳廟十月二十八日武廟十一月二十三日至二十八日均依夏歷舉行香火極盛買賣亦多民間趁此際會以有易無尙稱便利至各村廟會則隨處不同也

卷六終

廣平縣志勘誤表(二)

卷數	志名	字目	頁數	面數	行數	數字	數	誤	正
卷四	輿地	河流	四頁前面	六	二十一			材	林
卷五	物產	穀屬	一頁後面	十三	二			麥	黍
全	全	果屬	六頁後面	七	二十一			卞	大
全	全	草屬	十頁後面	七	二十九			粒	糕
全	全	草屬	十一頁後面	一	十八			有	者
全	全	水屬	十六頁後面	十	七			魚	名
全	全	虫屬	十八頁前面	七	二十四			紋	蚊
卷六	風俗	冠婚喪祭	一頁後面	七	二十三			俞	逾
全	全	古方言	四頁後面	四	一一			鐫琢	鐮斲
全	全	七語	八頁後面	八	三十			小	宜刪